

# Maliguagaq Niruagakhanut Iliharviit Katimayiitut



ᓄᓇᓁᓴᓯ ᓂᓵᐅᓐᓃᓈᓈᓰᓵᐅᓂᓄᓄᓂᓃ  
NUNAVUNMI NIGUAKNIK  
ELECTIONS NUNAVUT  
ÉLECTIONS NUNAVUT

## Titiraqhimayaat Niruarniq Nunavunmi 2019

Ilitturutinik piomaguvit nallialiqaq uqauhitgut  
hivayarlugit Niruarniq Nunavunmi-kut.

 867.645.4610


 Akiqaimaittuq 1.800.267.4394

 867.645.4657

 Akiqaimaittuq 1.800.269.1125

 [info@elections.nu.ca](mailto:info@elections.nu.ca)

 <http://www.elections.nu.ca>

 Titiqqauhivik 39, Kangiqhiniq, NU X0C 0G0

 41 Sivulliq Ave. Kangiqhiniq

 Niruarniq Nunavunmi

 Niruarniq

## **Hagyaighiniq**

Maliguagaq naittuliaqhimagayut ilainik Nunavunmi Niruarniq Maligaryauq-mit – maligait niruarluni Katimayinik Haamatkut Katimayinut. Talvaniiqatauyut Iliharviit Katimayit.

Maliguagaq ikpingnaqtuni ilitturutilik:

- Kinaliqqaaq niruagakhaulimaitpa.
- Qanuriliurialingit niruagakhait, qakugu unalu qanuq.

Nunavunmi Niruaqtuliyiyitkut ahiinik ilitturutiaqatut niruagakhanut ikayuqtukhait:

- Niruaqtimut ilitturutinut titigaq
- Maliguagaq *Nunavunmi Niruarniq Maligaryuaq-mut* - Naittuq
- Haamalamut nunauyat
- *Nunavunmi Niruarniq Maligaryuaq*

Hivayarlugit Nunavunmi Niruaqtuliyiyitkut adjikutaanik piomaguvit titigaknit, Nunavunmi atuqtauyukkut uqauhikkut [www.elections.nu.ca](http://www.elections.nu.ca)

## **Niruaqtittinirmut Ubluit**

Niruaqtittinirmut ubliut pigiaqhut 35 ubluit hivuagut niruarnap ubluanit umiqluni Niruarnap Ubluanit. Kinguagut niruaqtittinirmut ubluit 60 ubluit kinguagut Niruarnap Ubluanit.

## **Niruaqtittinirmut Ublunut Tatqiqhiut**

Ikpingnaqtut ubluit – Hulirittaqqat ublurnit

### **Saptampa 23 - Ubluq 35**

- Hivulliq ubluq inuk uqariiyauti niruagakhanngurumagami tunihittaqtut..
- Hivulliq ubluq inuk tukhiqturungnaqtuq aallanut niruarutimik (titiqqiqivvikkut).

### **Saptampa 27 - Ubluq 31**

- 2 pm umigvia (nunalingmit) tunihivvik uqariiyautimik niruagakhaugami.
- 5 pm umigvia (nunalingmit) amuhiluni uqariiyautimik.

### **Saptampa 30 - Ubluq 28**

- Atanguyaq Niruaqtuliyiyinut aullaiyuq niruarnirmut tuhaqtittidjutimi Utiqtittiyimut unalu niruagakhamut

### **Aktupa 14 - Ubluq 14**

- Angiqtaugumi Atanguyarmut Niruaqtuliyiyinut, hivulliq ublurngmit niruaqtiit niruaqtaqtut utiqittiyip aafisianit – 12-mit ublummaat 7-mut unnukpat nunaliup ublurhiutaagut.

#### **Aktupa 21 - Ubluq 7**

- Hangupkaqtitauyukkut niruarniq nunalingmit 9-mit 11:30-mut ublaamit nunaliup ublurhiutaagut. Vutiffaarniq 12-mit ublummaat 7-mut unnukpat.

#### **Aktupa 23 - Ubluq 5**

- Angiqtaugumi Atanguyarmut Niruaqtuliyiyinut, hivulliq ublurmit niruaqtiit niruarudjauniarumi naunaipkutarmit pilutik Nunavunmi Niruaqtuliyiyinik. Nalliutihimalutik maliguattiaqtukhauyunut.

#### **Aktupa 24 - Ubluq 4**

- Kingulliqpaaq ubluq niruaqtiit niruaqtaqtut utiqittiyip aafisianit - 12-mit ublummaat 7-mut unnukpat nunalingmit.

#### **Aktupa 28 – Niruarnap Ublunga**

- 3-mit umigvia (nunalingmit) tukhiqturniarluni niruarudjauniarumi naunaipkutarmit.
- Aallanut niruarutiit 5 pm-mit piyauhimalutik kitittiffaqtaulimaittut kinguagut piyaugumik.

### **Kinguanit Niruaqtittinirmut Ublunut Tatqiqhiuti**

Ikpingnaqtut ubluit - Hulirittaqqat ublurnit

#### **Nuvampa 7 - Ubluq 10**

- Kingulliq ubluq Niruagakhait piirlugit niruaqtaunahuarnirmut tuhaqtittidjutiingit.
- Niruagakhauyut adjikutaanginnik niruaqtiit atiinik ungavailugit pihimayainit uvvaluunniit Nunavunmi Niruaqtuliyinut utiqitillugit.

### **Niruagakhaq**

Niruagakhaq inunguyuq uqariiyautinga niruagakhaugami angiqtauhimagami malighugit maligait *Nunavunmi Niruarniq Maligaryuaq*-mit. Niruagakhauyut inuk Miiyanngurumagumi uvvaluunniit Haamatalkunnut Katimayingurumagumi, kivgaqturlugit inuit nunalinganit.

### **Kinaliqqaaq Niruagaqtauyumayuq**

Niruagakhauttaqtutit imaitkuvit:

- Niruarniq ajunnginnavut Niruarnap Ublunganit.
- Niruarnirmut ungavaqtauhimalaitkuvit.

Niruaqtaqtutit imaitkuvit:

- Kanatamiutaq.
- 18-nik ukiuqaruvit ungataaniluunnit Niruarnap Ublunganit.
- Nunavunmiutaq atauhirmik ukiungani Niruarvikhaq Ublungani.
- Nunalingmiutaq.

Nirualaitutit piguvit:

- Apiqhuqhiqtukhauyutit titiraqhimagumilu kangiqhinngitatit qanurilinganigut —qanuq ihumaliurungnaiqtutit ilingnut. UVVALUUNIIT
- Hiqumitatit maligaunmi malikhugu hamna pilrayaqtunut maligautingit uvaniitkuvilluuniit inungnit ihumanut aanniarutiqarniqqat. UVVALUUNIIT

Hiqumitkuvit niruaqtuliqinikkut maligaq humiliqaak Kanatami iluani tallimanik ukiungagut pilrayaqqhimavlutitauq.

Niruagakhautitaulumaitkuvit unalu niruaqtaulutit, niruaqtittiniq atuqtaulumaittuq.

Niruagakhaq atiliulimaittuq imaittunik, niruaqtauguvit, aimalluni:

- Nutqaqtitaulutit Haamatkunnut katimayiuuvvingnit inup apirilunitit, uvvaluunniit
- Nutqautilugu Haamatkunnut katimayiuuvvigiyait ubluliqhimalaitpat titiqqaq, uvvaluunniit
- Ihumaqhurniqalaittumik Haamatkunnut katimayilutit.

Havaktittiyit, unaliqqaq Nunavunmi Kavamatkut, maligaqaqtut uvvaluunniit atuagani qanurliqqaq havakingit ilaulutik niruaqtauhimayut havangninginnit unalu niruaqtaunahuarnirmut. Havayarlugit havaktiit hunaliqqaq maligangit uvvaluunniit atuagangit ilvit maliktakhangnit niruaqtaunahuarlutit.

## **Kinaliqqaq Niruaqtaulumaitpa**

Niruaqtailimaittutit imaitkuvit, ublurmit uqariiyautit niruagakhaugavit tunigangni imaingagavit:

- Havaktiugavit Nunavunmi Niruaqtuliyiyinut;
- Havaktiugavit iliharvingmit uvvaluunniit Iliharviit Katimayiinut;
- Katimayiyugavit Kanataup Maligaliurviani, Sanatunit, uvvaluunniit maligaliurvingmit ahiinik ukiuqtaqtumit uvvaluunniit Kanatap nunainnik;
- Apiqhuyi, ilaulimauttuq inungnut apirhuivvik;
- Itiqtauhimagavit unalu itiqtauhimablutit kinguagut Niruarnap Ubluanit;
- Malinnginnavut maniliqinirmut unipkaarlutit Maligaliutimut niruarnarmut ukiut 5 iluanit;
- Maliguarmut angiqatigiigummit malinnginnavut kingulliq niruarnarmut (ilauyut Maligaliuqtinut niruaqtittiniit);
- Patqiyaugumik niruarnarmut pilrayaummut naniliqqaq Kanatamit hivuanit ukiut tallimat;
- Niruagakhaulimaittuq ihumangagut ihuinniq pidjutigiblug;
- Itiqtauhimagami itiqtauhimavvingmut.

## **Naniliqqaaq niruagakhauttaqqa**

Niruagakhauttaqtutit kihimi nunalingmit nunaqaqhutit. Aturungnaqtut niruagakhauyut *commission scolaire francophone du Nunavut*-kunnut.

## **Niruaqtauyuuq ahiinik niruagakhaqalaitkami**

Niruaqtauyuuq ahiinik niruagakhaqalaitkami tukiqaqtuq ungavatquutiyyunik 8-nik niruagakhaqtaqalainnami.

## **Niruagakhap ihumani ahianguqpag**

Niruagakhaq imaittaqtuq ahiangurlugu ihumani unalu niruagakahuyumalimaitkuni. Ahivarlugu atinga niruarutimit, titirvigilugu utiqittiy, atiliurlugu, unalu tunilugu 5-mit kinguaguunngittuq nunalip tatqiqhiutaanit, 31 ubluit niruarnap ublua hivuagut. Malruungnik nunalingmit niruaqtinik ilummuuqtuqarluni atiliuqtukhauyut titigamit.

Niruagakhaq amuhigumi umigvianit unalu 7-nik amigqtunigluunniit niruagakhaqarluni, niruagakhait niruaqtuayut ahiinik niruagakhaqalaitkamik. 7-nik avalutquikpata niruagakhait, niruaqtittiniq qanuringittuq. Kihimi, niruarutinit ilaulimaittut atinga niruagakhaq amuhiyuuq.

Niruagakhaq amuhigumi kingaugut umigviup, atinga niruarutimiittaqtuq – aullaigumigluunniit utiqittiyumut atiliuqhimayuuq titigamik.

## **Niruagakhaq tuqugumi**

Niruagakhaq tuqugumi kinguagut umigviup uqariiyautinut niruagakhaugami hivuagullu niruarviit umigviata Niruarnap Ublungamit, nunalingmit niruaqtittiniq nutqaqtitauyuuq, unalu, nutaamik niruaqtittiniq pigiaqhuni nunalingmut.

Tamaita nutaungitut niruarutiit ahivaqtauttaqtut nutaamik niruarniqaquyaugumik.

## **Commission scolaire francophone du Nunavut (CSFN)**

CSFN-kut iningaq uiguhimayuuq tamaita nunalingnut Nunavunmi. Tukinga niruaqatauniq ajunngittut Iqaluit hilataanittungnaqtut Nunavunmi. CSFN-kunnut niruaqtittiniit aulapkaqtauyut *Nunavunmi Niruarniq Maligaryuaq*-mut.

Ilahimayuuq ajunnginnirmut titiqhimayut inungnut niruagakhauyumayunut Iliharviit Katimayiinut, inuk Ui-Ui-titut-uqauhiqarnirmut piyungnatiqariaqaqtuq niruaqatauniq ajunnginniarluni niruaqtillugit katimayinik Commission scolaire francophone-nut.

Inuit niruaqatauniq ajunngittut CSFN-kut niruaqtittinirnut piyungnautiqaqtut malighugu ilanga 23 Kanatami Titigak Piyungnautinut. Tukinga "piyungnautiqaqtuq" pidjutiaqaqtuq

Kanatamiutarmik tikiutihimayuuq ilainut hapkununnga:

- ✓ Uqauhinga Ui-Ui-nguyuuq, hivulliq uqauhiq ilihimayai unalu tukihablugu;
- ✓ Ilihaqtauhimayuuq hurugihirmit Ui-Ui Uqauhiagut iliharvingmit Kanatamit;;
- ✓ Angayuqqaariyauyuuq (mianiqhiyi) huruhirmut ilihqtauhimayuuq Ui-Ui Uqauhanik iliharvingmit Kanatami.

Nunavunmiut niruarungnaqtut atauhirmut Iliharvingnut Katimayinit. Nunalingmiut atiliuqhimayut niruarniarlutik katimayinik CSFN-kunnut niruaqtitaulimaittut nalliaknilluunniit Iliharviit Katimayinut.

## **Niaqunnguomit Iliharviit Katimayingit**

Ilagiblugu ajunnginnirmut titiqhimayut inungmut niruagakhauyumayumut Iliharviit Katimayinut, inuk Niaqunnguomit nunaqaqtukhauyuuq niruagakhauyungnarniarluni Niaqunnguomi Iliharviit Katimayinut.

Niruaqatauniq ajunngittuuq Niaqunnguomit nunaqariaqaqtuuq niruarniarluni Niaqunnguomi Iliharviit Katimayinut.

## **Uqariiyauti Niruagakhaugami**

Hivuani niruaqtittinirni, inuit tikkuahidjutinik titiqauyauhimayut niruagakhauniarumi. Maligait ahidjiqhimaliqtut unalu inuk kihimi titiqtukhauyanga uqariiyauti niruagakhaugami.

Uqariiyauti niruagakhaugami titirvikhaq inup titirivigiya uqaqhuni niruagakhauniarumi.

Titiriviniarlugu uqariiyauti niruagakhaugami, hapkua ilitturutiit pilugit:

- Niruagakhap tamaita atinga, titirivikkut turaarutaa unalu aimavviata, talafuunga, qaritauyakkut titigaqvik, ahiillu hivayaqtaugarumi ilitturutiit.

Nunavunmi Niruaqtuliyikkut angiqpagu uqariiyauti niruagakhaugami, niruagakhannguqtutit. Nunavunmi Niruaqtuliyikkut angirutiglimaitpagu uqariiyauti niruagakhaugami, niruagakhaulimaittutit.

## **Uqariiyauti Niruagakhaugami tunilugu**

*Nunavunmi Niruarniq Maligaryuaq-* tukiliuqhimattiaqtuuq tunihiluni uqariiyauti niruagakhaugami.

- ✓ Titirlugu unalu nalaaguuqtut ilitturutiit: Titirlugit ilait titirviup. Utiqtittiyip angihimalaitanga tamaita titirvigilimaitkuviuk. Hivuagut umigviup tunilugu nutaanik ilitturutinik titiriaqaruvit
- ✓ Ilummuurutiit unalu atiliurutiit: Niruagakhap atiliuqtakhariya uqariiyauti unalu ilummuurluni.

- ✓ Niruagakhap atinga:
  - Titirlugu atiit uqariiyaut niruagakhaugami aturlugu ilvit pitquyait niruarutimit.
  - Nunavunmi Niruaqtuliyitkut ikayuttiaqhutik atuquyai unalu mianiriyauluni Inuktitut. Ilanga atauhiq atirnit Inuktitut uqauhitkuurlugu nunalingnit atuqtauyuq: Inuktitut titiqhimalugit tamaita nunalingnit ilaulimailluni Kugluktuk unalu Iqaluktuuttiaq (Ilanga.1(2) *Inuit Uqauhinganiq Mianiqhinirmut Maligaryuaq*). Niruaqtittinirmut havaktiit ikayuruaqtaqtut titirlugu atiit nalliagluunniit uqauhiriyauyukkut.

**Uukturlugu:** titirungni atiit Inuktitut hivulliulugu unalu Qablunaatitut tugliulugu, uvvaluunniit Qablunaatitut hivulliulugu unalu Inuktitut tugliulugu, niruarutimit takukhauluni titiqhimayait.

## **Qakugu Tunilugu**

Tunilugu akunniani 35 ubluit hivuagut Niruarnaup Ubluanit – unalu 2-mit nunalip ubluqhiutaanit, 31 ubluit hivuanit Niruarnap Ubluanit. **UTATQINNGILLUTIT umigvianut!** Uqariiyauti titiqhimalugu unalu illitturutingit nalauttilutik ublurmit unalu ubluqhiutaa. Inuk tuhihigumi uqariiyautimik, kinaliqqaaq takuttaqtaa unalu illitturutinik pittaqtuq.

## **Kinamulliqqaaq Tunilugu**

Tunilugu Utiqtittiyimut uvvaluunniit tikkuahimayainut nunalingnut.

Utiqtittiyi ahingaluunniit titkuaqtauhimayuq tuniyauttaqtut uqariiyauti niruagakhaugami unalu qimilruniaqtanga. Pingahunik qanurilingattaqtut:

- Utiqtittiyip angirutigiyanga Uqariiyauti
- Utiqtittiyip angirutiginngitanga Uqariiyauti.
- Utiqtittiyip angiqtanga Uqariiyauti unalu naunaiqhiyuq ihumagiyaugami niruagakhaq niruagakahaulimainmat, kihimi Atanguyaq Niruatuliyiyinit ihumaliurluni.

## **Utiqtittiyip angirumiut uqariiyauti niruagakhaugami**

Utiqtittiyip angiqtaqtanga uqariiyauti niruagakhaugami imaitkumi:

- Naunanngimmat niruagakhauni ajunngiinavit.
- Titiqhimattiarangni uqariiyauti niruagakhaugami uvvaluunniit hivuagut umigviup piviqaravit nutaangurlugu.
- Tunigangni hivuagut umigviup.

Utiqtittiyip angirumiut uqariiyauti niruagakhaugami, tuniyauluni niruagakhaq naunaipkutimik uqaqhimayuq niruaghauyungnaravit.

Niruagakhaulutit, tuniyauniaqtutit katihimayunik Nunavunmi Niruaqtuliyiyinit.



Niruagakhamut katihimayunit ilauyut.

- Maliguagaq Niruagakhanut, ilauyut adjikutaangit ikpingnaqtut titiruagait.
- Maliguagaq *Nunavunmi Niruarniq Maligaryuaq*-mut—naittumik.
- Atuqtauyut Niruaqtiit Atinginnut titirvik.
- Angiruti titirviit unalu qanuriliurialit niruagakhap kivgangit niruarvingmit.
- Atiliurvik qauyipkaiyuq katihimayut pigangi.
- Hivayaqtaumaguvit ilitturutiit Nunavunmi Niruaqtuliyiyunit ikayuqtut apiqqutiqaruvit.

## **Utiqtittiyip angirugilimaitpagu uqariiyauti niruagakhaugami**

Utiqtittiyip angirutigilimaitanga uqariiyauti nirugakhaugami aimaitpat:

- uqariiyauti nirugakhaugami titianiqhmainmat uvvaluunniit tuniyaugami umiktilugu,
- Inuk ingmik niruagakhaulirami avaluqtuutiyut nunalingnut, uvvaluunniit
- Inuk niruagakhaulimainmat.

Utiqtittiyip angirutilimaitpagu uqariiyauti nirugakhaugami tamaita titiqhimalainmat, niruagakhaq nutaanguqtaqtaa, titirlugu uvvaluunniit ahianik uqariyaunmik pilui hivuagut umigivat niruagakhanngurniarluni.

## **Utiqtittiyip angiqtanga uqariiyauti, unalu aullaiyuq naunaiqhiyumik**

Utiqtittiyi ihumagumi inuk niruagakhailimaimmat ahiit pidjutinut, kihimi Atanguyaq Niruaqtuliyiyinut ihumaliuqtakhanga. Pinaqtuq Utiqtittiyip angiramiut uqariiyauti unalu aullaiyuq naunaiqidjutimik uqaqhuni ihimagigamiut niruagakhaulimainmat. Naunaiqidjuti tuyuqtuangmiyuq Atanguyaq Niruaqtuliyiyinut, qimilruniaqtanga ilitturutingit ihumaliurlunilu.

Ihumaguvit niruaghauyungnaravit, qilamik uqautilugu Atanguyaq Niruaqtuliyiyinut humik pidjutimik— titigakkut—unalu tunilugu naunaiqidjutinik ikayuqtumik. Atanguyaq Niruaqtuliyiyinut ihumaliurluni malruuk ublut iluanit umingmat niruagakhanngurumaniq unalul aullailugu naunaiqidjuti pidjutilik ihumalianganik.

## **Uuktuiniq**

Angiqhimalaitkuvit Atanguyaq Niruaqtuliyiyinut ihumalianganit, tukiqtuqtaqtutit apirhuivvingmut 7 ublut iluanit qimilrulugu ihumaliaq. Apirhuiyip tuhaaluniut unalu ihumaliurluni qilamik.

Niruaqtittiniqarluni ilvit niruagakhaublutit ilaulimaillutit, kihiani apirhuivvik ihumaliuruni niruagakhauyungnaravit unlau nutaamik niruaqtittiniqaquyiluni.

## **Angiagiyauyut unalu Mianiqhiniq**

Qauyimayugut tatiqarniit qauyimagavillu uvagut angiyumik aturaptigut qanurliqqaq

kamagapta ilingnut ilitturutinik. Tamainnut inungnut timiuyut unaliqqaaq Nunavunmi Niruaqtuliyitkut pitquyittaqtut inuit tunihilutik ingmingmut ilitturutiinik, uvagullu maligatigut unalu pittauyukkut piyakhaqaqhuta piyakhautiqarnikkut aulapkailuta ilitturutinik.

Piyakhariyavut ihuaqtukkut agiarilugit ingmik ilitturutiit ukpiriyaudjutigiyavut.

Ilitturutiit piungnaqtatit Nunavunmi Niruaqtuliyitkut angiagiyauyut ataugainut, hivayarlugu Atanguyaq Angiagiyauyuliyi hamani [privacy@elections.nu.ca](mailto:privacy@elections.nu.ca) uvvaluunniit Nunavunmi Niruaqtuliyitkut takugiarvingannuarlutit [elections.nu.ca/privacy](https://elections.nu.ca/privacy).

**Niruagakhap aturniaqtait Niruaqtit Atinginnut Ataugaq:** Niruagakhaq atiliuqtaqtut piniarniuyuq ikpigilugit niruaqtit atingit, unalu aturlugu niruaqtittinirmut kihimi. Niruagakhaq kinaliqqaa havaktiuyuq niruagakhauninganut ikpigusugialik atuagarmit. Niruagakhaq piniarniraqtuq utiqtinniarmagit ahivarlugilluunniit tamaita niruaqtit atingit umikpat niruaqtittinirmut ubluit.

## **Tamainnut Inungnut Titigak**

Tamaita uqariiyaut inungnut turaaqtut titigak.

Hapkua inungnut turaaqtut titigait unalu qimilruyauttaqtut Aafisinganit Atanguyaq Niruaqtuliyinut kinaliqqaaq tukiqtumut havangnautillugu:

- tamaita unipkaat uvvaluunniit uqaqhimayait pidjutgiblugin niruaqtittiniq, ahiillu titigait havaktinit niruaqtuliriyinit;
- tamaita qanuriuquyait Atanguyaq Niruaqtuliyinut maliguaqhugit *Nunavunmi Niruarniq Maligaryuaq*;
- tamaita ihumaliurutait uvvaluunniit maliktauquyait Atanguyaq Niruaqtuliyinut pidjutiliit maliguaqhugit *Nunavunmi Niruarniq Maligaryuaq*, unalu
- tamaita titigait havaktinit niruaqtuliriyinit uvvaluunniit ahiinit pidjutlik nallialiqqaaq niruaqtittinirmit.

## **Tukhiqturniq piimaluni titiganik**

Kinaliqqaaq inuk tukhiqtuqtaqtuq Atanguyarmit Niruaqtuliyinut piimaluni nalliak titiganik pihimiyait Atanguyaq Niruaqtuliyinut malighugit *Nunavunmi Niruarniq Maligaryuaq* tamainnut inungnut turaangittut titiganik.

## **Niruarnap Ublunga**

Niruarnap ublungamit, niruarviit ukkuinganyut 9 am-mit 7 pm-mut nunaliup tatqiqhiutaagut.

Kihimi niruaqtittinirumut havaktiit atuqtitauttaqtut talafuunik, piksaliurutimik, uqaluutialaanik, uvvaluunniit ahiinit qaritauyanut atuqtatutuniruarvingnit. Kiniliqqaaq atulimaittuq niruaqtauyumaluni hatqiyaaqturnik niruarvingmit.

## **Niruagakhap Kivganga niruarvingmit**

Tamaita niruagakhait atauhirmut ingmut kivgaaqtaqtut atauhirmut niruarvingmit, niruagakhaq kihiani niruarvingmiippat. Nalliagluunniit niruagakhaq kivganguunniit niruarvingmiittaqtut, kihiani tamainnit pititaulimaittut

## **Angirami titirvik**

Tamaita niruagakhait kivgangit atiliuqhimaajukhauyut angirami titirvingmit. Niruagakhait kivgangit niruarvingmuaqpat tunilugu titirvik utiqittiyip tungilianut unalu ilummuurluni.

## **Maligait niruaqtillugit**

Niruagakhaq kivganguunniit tautuktaqtut qanuriliurmangaata niruaqtillugit. Imautitiglu:

- ✓ Ikpiguhugviginnarlugit ihuihaangillugillu niruaqtiit unalu niruaqtuliqinirmut havaktiit.
- ✓ Ilitturutinik pittaqtut niruaqtut mighaanut titigaqmit niruaqtillugit unalu tunidjutigilua.
- ✓ AniyarAQQAQTUT niruarvingmit talafuuqtaqpat uvvaluunniit talafuurlutik uvvaluunniit titirlutik kinamulliqqaaq tunilugit ilitturutinik.
- ✓ 15 minit hivuagut niruarviit matuirninganit niruarvingmut ajunngittut, qunngiarlugit niruaqtittinirmut havakiit kitittillugit atiliuruhiqturlugillu niruarutiit, qimilrullugillu niruarutiit ahiillu titigait atuqtauyut.
- ✓ Apiridjutigilugu niruaqtip kinauninga, niruaqtip atinga niruaqtiit atiniikkaluaqpat.

## **Kititauningit Niruarutiit:**

- ✓ Kihimi tautugluni unalu kitittiluni - Utqittiyip Tungilinga kihimi kamattaqtuq niruarutinik.
- ✓ Umigvianut tikilluni niruarvingmiilluni. TalafuuqTAILIGit uvvaluunniit talafuuqtaulutit uvvaluunniit titirviulutit kihiani Utqittiyip Tungilinga aullaihimaliruni qanurinniuyut Nunavunmi Niruaqtuliqiyinut.
- ✓ Anginngikkuvit Utqittiyip Tungilinga angirutiqaaqtillugu uvvaluunniit kitittiqataungippat niruarutinik, uqautilugit anginnginnavit. Utqittiyip Tungilingata titigarluniut anginnginnavit niruaqtit ilitturutiniut titigagvingmut unalu ihumaliurluni anginnginnavit kitittiqataungiluguluunniit niruarutiit. Angiruaqqaqtait ihumalinga kingulliqpaakkuungmat.
- ✓ Pilutit Utqittiyip Tungilinganit adjikutaanganik Titigaq Qanurinniit Niruarvingmit, kitittifaaqhimaliqqata niruarutinik.
- ✓ Titigakmit kaffiit niruarutaayunut tamaita niruagakhanut titqhimayut unalu kaffiit kititaunngittut niruarutiit niruarvingmut.

## **Kinaliqqaaq niruaqtauva niruarnamit**

Utiqittiyi piumiuk Titigak Qanurinniit Niruarvingmit Utqittiyip Tungilinginnit unalu Nunavunmi Niruaqtuliqiyit Aafisianit (titiqiqivvikut aullaiyauyut kititauqattaqtut). Utiqittiyi kititirlugit niruarutaayut tamaita niruarvingnit nunalingmit unalu niruarnirmut unipkaaliurluni

naunairlugit kaffiit niruarutauyut tamaita niruagakhanut. Utiqtittiysi aullailuni niruagakhamut adjikutaanganit niruarnirmut unipkaamit.

### **Adjigiinik Niruaqtauyut: Niruagakhait adjigiinik niruaqtaukpata**

Malruuk niruagakhat adjigiinik kaffinik niruaqtauyungnaqtut, uvvaluunniit qanigiinik kaffiuningit. Adjigiinginningit 2%-ngukpat tungaanilluunniit kitillugit tamaita niruarutiit, Utiqtittiysi kitittiffaarniaqtuq.

### **Kitittiffaarniq**

Kitittiffaarnirmutqanurinniit atahiq niruagakhamut qaffiuningit anginiqhaublutik niruarutauyut, niruagakhaq niruaqtauyuq. Kitittiffaarnirmut qanurinniit adjigiikpata, malruuk atuqtaqtangit Utiqtittiysi:

1. Angiqtauhimaluni niruagakhanut adjigiinik niruaqtauyunut, Utiqtittiysi niruarluni niruaqtauniaqtumit amuhinikkut atinganik. Niruagakhait amuyakhauyut atiliurlutik naunaiqhilitik angiqhimagamik.
2. Malruuk niruagakhait angiqhimalaitkumik niruaqtauluni amuhinikkut, Utiqtittiysi tukhiqturniaqtuq Apirhuiyiralaamut kitittiffaaqulugu.

### **Apirhuiyiralaq Kitittiffaaqtuq**

Niruagakhait anginngikkumik niruaqtauyuq amuyaluni, Apirhuiyiralaq kitittiffaarniaqtuq. Apirhuiyiralaq kitittiffaaqtanganut qanurinniuuyut niruagakhaq qaffinut anginiqhamik niruaqtaungmat, niruagakhaq niruaqtauluni. Apirhuiyiralaq kitittiffaaqtangit adjigiikpata, Apirhuiyiralaq niruarluni amuhinikkut.

### **Maligarmik Hiqumittiniq**

*Nunavunmi Niruarniq Maligaryuaq*- maligaitigut adjikuta. Kinaliqaak hiqumitkumiuk maligainik paqiyaulaaqtut paqiyaaqarniqqat paqiyaulaaqtuq.

Amihuuyut qanuq hiqumilaaqtut maligaunmut. Takulugit hafuminngatut tukiliutaagut ataaniitut. Taiguarlugulu Nunavut Niruaqtitinikkut Maligaq maligautainillu malitiaqhimalugit.

<b>Uktuuti Hiqumittinirmut</b>	<b>Haaffuminngatut 1</b>	<b>Haaffuminngatut 2</b>
<b>Niruaqtut ihuitumik</b>	Niruaruvit qinngiyauguvit niruariami.	Hulinniruvit piyukhaunngitutt niruarutnit.

<b>Uqamillinahuarlugit niruaqtt ihuitumik</b>	Tuniqainahuaruvit maningni, imirnit, havaanut, niqinut, aahiilluuniit.	Niruarvikhaq niruarvingmi.
<b>Ilituqhainingit ihuitumik atuqhimagumik</b>	Ilvit atuqhimayatt niruaqtt ttqqangit ahinit niruarviunngitumi.	Ihuinnaaqhimagungni Niruaqtnikkut Nunavunmi naunaitkutt.
<b>Illumuqtumik uqanngitkumi iqungaliinnaqhutik</b>	<b>Niruaqtauyumaguvit pilaittuublutit.</b>	Niruaqtauyumaguvit amihunit atauhiunngitunik nunalingnit.

## Akiliqtuijtit

Hiqumittiguvit maligarmik unalu akiliititaublutit, imailutit:

- Akiliilutit ungavatquutihimalaittumik \$5000-nik. UVVALUUNNIIT
- Itiqtaulutit ungavatquutihimalaittumik atauhiq ukiurmit. UVVALUUNNIIT
- Akiliilutit unalu itiqtaulutit.

Unalu, ukiut tallimanut imailuqTAILILUTIT:

- Niruaqtaulutit Haamatkut Katimayiinut.
- Niruaqtaulutit Iliharviit Katimayiinut uvvaluunniit Maligaliuqtimut.
- Havarmut tikkuqaqtaulutit kamisinamut, Ministamut uvvaluunniit Nunavunmi Kamatkunnut, uvvaluunniit Haamatkunnut.

Apirhuiyimit qanuriliuquyauttarmiyutit hapkunngat:

- Pidjutiit hiqumitangnut titigarlugit.
- Akiliilutit inuit aanniqtatit higumittinirnut.
- Nunalingmit piyittirautinik havaglutit.

## Kinaliqqaaq Unnirluktaqqa

Kinaliqqaaq unnirlugungnaqtuq, qauyimagumi inungmik hiqumittiyumi maligarmit *Nunavunmi Niruarniq Maligaryuaq*-mit. Unnirluutingit titiqhimalugit unalu paliisinuarlugu 90 ubluit iluanit hiqumittiyuqarngmat. Nunavunmi Niruaqtuliquinuunngittuq uvvaluunniit Atanguyaq Niruaqtuliquinut.

Inungnit unnirluutimut titirvik Nunavunmi Niruaqtuliquiyikkut qaritauyakkut takuyauvvanit hamani [elections.nu.ca/citizen\\_complaint](http://elections.nu.ca/citizen_complaint).

## Kinaliqqaaq Ihivruiniaqqa

Paliisiit ihivruittaqtut. Naunairviginiaqtaatit ihivruiyaugufit, kihiani ihumagutik ihuinaarutauniarmat ihivruiningannut. Paliisiit adjinganik hannginiqaqtut unalu

piyakhautiqaqhutik atuqtautillugu *Nunavunmi Niruarniq Maligaryuaq*- ahiititut Nunavunmi unalu Kanatamit maliganut.

Paliisiit havaqatiqarniaqtut Atanguyaq Niruaqtuliyiqinut unalu Iluittuungayuuq Kamisinamit ihuaqhitinniarlugu ihuittuuq.

## **Maliktauyukhamut angiqatigiiguti**

Maliktauyukhamut angiqatigiiguti kaantraaknguyuuq Iluittuungayuuq Kamisinamut unalu inungmut hiqumittihimayukhauyuuq maligarmit. Atuqtauqattaqtuuq inuk hiqumittinirmut akiliititauningat hivuagut.

Iluittuungayuuq Kamisina ihumaliurniaqtuuq aayiiqatigiglutik maliktauyukhamut angiqatigiigutimik. Ihumakhaqhiuqtaqhutik aayiiqatigiimut ihumaliuriniup:

- Qanurittuuva hiqumittiniq anginingalu.
- Akiliititauniq hiqumittinirmut.
- Tamaita inuit piumayangit.
- Piumayai ihuaqhinirmut.
- Ahiillu pidjutauyut aturumigiyangit.

Aayiiqatigiikpata malitauyukhamut angiqatigiigutimut, Iluittuungayuuq Kamisina naittumik atiliuqtauhimayumik titigainiaqtuuq. Tamainut inungnut titigak turaangayuuq.

Inuk atiliurumi malitauyukhamut angiqatigiigutimit, piyakhaqaqtut hiqumittinirmut. Angirutiaqtut hapkununnga:

- Maninik akiliiluni atauhirmut ungavatqaumayunulluunniit inungnut.
- Mamiialluni tamainnut inungnut unalu inungnut aktuqtauhimayunut.
- Inuit Qaujimajatuqangit / IQ aturlugit (pitquhitkut Inuit qauyimaningit) hiqumittiniq ihuaqhiniarlugu.
- Nunalingmit piyittirautinik havayaqarluni.
- Angiqhimaluni qanuriliurniarlu uvvaluunniit qanuriliurniangilluni ilainit qanuriliurnirnit.

Angiqatigiiguti malinngikkungni:

- Akiliititauyukhauyututit unalu apirhuivingmuaqtaulutit.
- NiruagakhauLIMAITTUTIT tallimat (5) ukiunut.
- Apirhuivikkut akiliititaulutit unalu akiliititaulutit.

Maliguaruning angiqatigiiguti, akiligakhaqtaaqtitaulimaittutit, unalu titigakhimalaittut ilvit piyatit.

Kamisina tamainnut inungnut unipkaliurniaqtuuq inuk maliguaqhimangmangaat angiqatigiigutimit unaluunniit malikhimaimmangaat.

## **Niruagakhap Naunaiyautingit**

### **Hivugut niruaqtittinirmut ubluit**

- ✓ Hivayarlugu havagvigiyait qauyiniarlutit maliganginnit uvvaluunniit atuaganginnik maliguaqtakhangnit niruagakhauniarlutit – havagvingmit nutqaumaniarlutit niruatittinirmut ublunginnit.
- ✓ Adjikotaanginnik pilutit *Nunavunmi Niruarniq Maligaryuaq*- unalu uqalimaarlugit tukihilugillu. Qauyimalugit qanuriliuriaqaqtatit maliguarlugit maligait.
- ✓ Utiqtittiyimit piomalutit uqariiyauti niruagakhangkurmagavit, uvvaluunniit pilugu Nunavunmi Niruaqtuliyikkut qaritaujakkut takuyaugarviani: [www.elections.nu.ca](http://www.elections.nu.ca)

### **Niruaqtittinirmut Ubluit – Niruarnap Ubluanut**

Titirlugu tamaita uqariiyauti niruagakhauniaravit. Titirvigittiarlugu unalu ilaulugit tamaita ilitturutiit iluanit titirviup.

- ✓ Tunilugu uqariiyauti niruagakhaugavit hivuanit umigviup.
- ✓ Ilaulut Nunavunmi Niruaqtuliyikkut talafuukkat katimanginginnit, ilitturutiit niruagakhanut.
- ✓ Havayarlugit nunalingmit kavamakkut ahiillu nunalingmit aulapkaiyit qauyiniarlutik niruagakhait mighaanut naunaipkutanik ilihiniarluni.
- ✓ Titirlutit Atanguyaq Niruaqtuliyiqinut niruaqtit atinik ahidjiyumagavit. Qauyitillugu ilivit mighaanut, naunairlutit hunanik ahidjiqayangnit, naunaiqhijutiniglu tunilugu.
- ✓ Naunairlugu qangakut hangupqaqtukkat niruarniq, pigungni Utiqtittiyimit.
- ✓ Naunairlugit niruaruaqturviit nunalingnit, Utiqtittiyip uqautikpaatit.
- ✓ Naunairlugu nunalingmit niruarniaqtut Niruarnap Ublunganit.
- ✓ Niruagakhaugavit kivgaqtuqtimit pilutit niruarvingmiinniaqtumit Niruarnap Ublunganit.
- ✓ Titirlugit atiliurlugillu angiqhimanirmut titirviit kivgait niruarvingmuarniarluni Niruarnap Ublunganit. Kivgait piqariaqaqtut ingmik angiramik titirvingmit.
- ✓ Kivgaqtuqtigiyait apirilugu niruarvingmiiqulugit Utiqtittiyip Tungilinga kitittillugu niruarutinik Niruarnap Ublunganit

### **Niruanap Ublunga**

- ✓ Niruarlutit—niruaqhimangikkuvit.
- ✓ Niruagakhaunirmut atuqtauyunik niruarvingmit pitaqalaittut qauyimalutit – nunamit, igluryuarmit, uvvaluunniit inuit atuqtanginnit.
- ✓ Kivgatuqti apirilugu adjikotaangani piluni Titigak Qanurinniit Niruarvingmit Utiqtittiyip Tungilinganit

## **Kinguagut Niruanap Ublunganit**

- ✓ Tamaita niruagakhaunirmut atuqtut piirlugit 10 ubluit iluanit kinguagut Niruarnap Ubluanit.  
Niruagakhaunirnut havaktiit ahiruitillugit uvvaluunniit utiqtillugit tamaita niruaqtiit atingit – titiqhimayut unalu qaritauyakkut pihimayut.